

Broj:07-49-2- 492-17/17
Sarajevo, 12.12.2017. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), na preporuku Komisije za javne nabavke imenovane rješenjem broj: 07-49-2-492-2/17 od 27.11.2017. godine, direktor Federalnog zavoda za geologiju, d o n o s i

ODLUKU
o izboru najpovoljnijeg ponuđača za nabavku roba:
„Dva terenska vozila“

Član 1.

Prihvata se preporuka Komisije za provođenje postupka javne nabavke usluga (u daljem tekstu: Komisija), rješenje broj: 07-49-2-492-2/17 od 27.11.2017. godine, te se Ugovor za javnu nabavku roba – **Dva terenska vozila** – dodjeljuje ponuđaču „**Guma M“d.o.o., ul. Bišće polje bb.,88000 Mostar**, kao najbolje ocijenjena prihvatljiva ponuda broj: 314-12/17 AK od 01.12.2017. godine, **za ponuđenu cijenu od 47.400,00 KM bez PDV-a.**

Član 2.

Prijedlog ugovora o nabavci dostavit će se na potpis izabranom ponuđaču iz člana 1. ove odluke po isteku roka od 15 dana računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Sektor za pravne, finansijsko-računovodstvene i opšte poslove Federalnog zavoda za geologiju.

Član 4.

Ova odluka objavit će se na web stranici Federalnog zavoda za geologiju, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak javne nabavke roba pokrenut je Odlukom o pokretanju postupka javne nabavke broj: 07-49-2-492/17 od 27.11.2017. godine.

Javna nabavka provedena je putem Konkurentskog zahtjeva za dostavu ponuda sa procijenjenom vrijednosti javne nabavke bez PDV-a do 50.000,00 KM.

Zahtjev za dostavu ponuda prosljeđen je na četiri adrese ponuđača i na Portal javnih nabavki istovremeno sa objavljivanjem obavještenja na Portalu javnih nabavki broj:288-7-1-3-3-2/17 dana 28.11.2017. godine.

Sa Portala javnih nabavki tendersku dokumentaciju je preuzelo ukupno 18 ponuđača od toga 16 ponuđača u roku koji je predviđen tenderskom dokumentacijom i dva ponuđača nakon roka koji se odnosi na vrijeme tj. nakon 16 časova.

Komisija je postupajući u skladu sa normama Zakona o javnim nabavkama Bosne i Hercegovine i podzakonskim aktima, blagovremeno i pravilno izvršila otvaranje pristiglih ponuda o čemu je sastavila Zapisnik o otvaranju ponuda, također je izvršila poređenje i ocjenu istih i sačinila Zapisnik o pregledu i ocjeni ponuda s preporukom o izboru najpovoljnijeg ponuđača u postupku javne nabavke iz člana 1. ove odluke.

Zapisnik o pregledu i ocjeni ponuda s preporukom o izboru najpovoljnijeg ponuđača Komisija je dana 12.12.2017. godine, dostavila direktoru Federalnog zavoda za geologiju, u kojem je utvrđeno slijedeće:

- Da je ukupan broj blagovremeno pristiglih ponuda dvije (2),
- Da nije bilo neblagovremeno zaprimljenih ponuda,
- **Da je ponuda ponuđača „Guma M“ d.o.o. Mostar, ocijenjena kao najpovoljnija prihvatljiva ponuda.**

U postupku donošenja odluke cijenjene su činjenice da je Komisija pravilno i potpuno izvršila ocjenu kvalificiranosti ponuđača, te ocjenu, poređenje i rang listu prispjelih ponuda, shodno kriteriju **najniža cijena**, odnosno ocijenjeno je da je Komisija pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Cijeneći gore navedeno a u skladu člana 64. stav (1) tačka b) Zakona o javnim nabavkama, odlučeno je kao u dispozitivu.

Pouka o pravnom lijeku: Ponuđač koji je učestvovao u postupku nadmetanja može, radi zaštite svojih prava i pravnih interesa, izjaviti žalbu Federalnom zavodu za geologiju u roku od 5 (pet) dana od dana prijema ove odluke.

Dostaviti:

- „Guma M“ d.o.o Mostar
- „Mobi“ d.o.o Visoko
- web: fzzg.gov.ba
- a/a



DIREKTOR
Hazim Hrvatović
Prof. dr. Hazim Hrvatović